

尚志書院在府學故址嘉靖二十四年知府

胡鰲改建制中為克復堂

大司成鄒守益記

堂後為

四勿軒為尊經閣為正學祠東西為號舍為

射圃有應芝夢麟二亭

胡鰲記

有環翠閣下有

湖湖中有三塢塢各石亭堂前為儀門因樂

正

太宰湛若水記

大門扁曰尚志文會所在府治西

北嘉靖三十一年知府何御建萬曆二十年

知府郭廷良因文會所久廢查將學基修建

和融書院在永安所城內知府張岳改舊珠

池公館爲之

聯珠講院在縣治西南康熙二十四年知縣楊昶鼎建先出俸銀三十兩買李天御瓦屋一所復庀料鳩工加建三層後層扁曰敦德堂中扁曰輔仁堂前門扁曰聯珠講院內外各有院墻東至道前大街西至府學明倫堂南臨學前孔道北建舖店十間收其歲入以爲義學各項之需且價買新興畝四冬民陳仕昇等田五百餘畝捐給牛種招佃耕輸以

瞻肄業師生通詳勒石慮甚周也康熙三十  
九年府學訓導黃夏裔因無學暑假寓其中  
稍加補葺未幾爲風雨頽圯康熙五十九年  
知府徐成棟捐資重建敦德堂修葺輔仁堂  
及內外院墻延義學師教訓多士

天南書院在西門城內康熙二十九年知府  
董昭祚捐俸鼎建延番禹孝廉黎方潞訓士  
三載董公陞任後廉人于後堂設位祀之嗣  
是過客僑居不數年而毀傷殆盡康熙四十

三年郡人李廷相獨出已藁葺之有碑記今已圯廢

又了義學在新復合浦學宮之左康熙四十二年專城遊擊李奕桂捐俸鼎建平基之日掘得古碑一方乃知此爲了齋書院舊址也因名曰又了義學此武職之所難能者其詳刻于碣

還珠書院在砥柱磯康熙四十五年知府施世驥捐俸鼎建二座六間兩旁各有精舍延

師訓士十年不輟五十七年施公復委合浦  
教諭李錫穆重修砥柱亭周圍砌以磚牆加  
之窓扇較昔更勝五十九年知府徐成棟增  
建書室延師訓士士爭趨之

### 欽州

成美書院 今廢

仁文書院 今廢

鴻飛書院 今廢

東坡書院在天涯亭後有長公像康熙三十

四年知州程鼎建

靈山

海北書院嘉靖十五年僉事王崇以舊學地

改建

今廢

西靈書院

康熙二十六年知縣遲維城建捐俸買下東鄉五冬民米一十一石

有奇租穀二千七百餘斗以爲修葺與延師教習之費

卷之五

終

興州府志卷之六

知廉州府事紀錄十次襄平徐成棟纂修

同知廉州府事加三級嘉禾孫燾校正

台浦縣知縣現奉行取高陽韓三異

欽州知州遼陽董紹美

台浦縣知縣遼陽鈕廷彩

靈山縣知縣沈丘唐開運

全閱

全閱

武備志

兵也者聖王所以威不軌而昭文德者也固

城池精器械時演習立營堡謹斥堠嚴關隘

足糧餉則有備無患之道也衣衽之警安不

忘危矧迫處蠻彝如廉城者乎豈不日戒此疆之謂矣志武備

軍衛

故明舊制

廉州衛在府治東洪武三年立守禦千戶所十四年改爲千戶所二十八年陞爲廉州衛指揮使司有正堂有後堂有左右廂房有經歷司有土地祠有耳房庫房有儀門大門嘉靖二十五年颶風毀壞二十六年知府胡鰲重建



鎮撫司在衛西正德五年千戶陳章建

左千戶所即前守禦千戶所故址洪武十七年建

右千戶所在衛南洪武二十八年千戶胡芳建

中千戶所在右所左洪武二十八年千戶孫英建

永安守禦千戶所舊在石康安仁里洪武二

十七年為海寇出沒奏遷於合浦縣海岸鄉

千戶牛銘始建城濠窩舖門樓城周圍四百

六十一丈高一丈八尺濶一丈五尺窩舖一

十八間城樓四座濠周環五百丈歲久廢圯

成化五年僉事林錦始鑿外池以便巡守又  
造通蓋串樓四百一十五間其四門樓敵樓  
各八座角樓月城樓各四座有正廳有吏目  
廳有左右廂房有重門有鼓樓嘉靖十九年  
指揮耿一詩重修

欽州守禦千戶所在州治東南舊敢勇營故  
址洪武四年建二百戶所二十八年改爲守  
禦千戶所嘉靖十五年指揮許淳重建有正  
廳有燕室有左右耳房有重門